

DISSERTATIO PHILOSOPHICO-MEDICA  
I N A U G U R A L I S

D E

EVAPORATIONE.

Q U A M

ANNUENTE SUMMO NUMINE,

*Ex Auctoritate* RECTORIS MAGNIFICI,

HIERONYMI DAVIDIS GAUBII,

MEDIC. DOCTORIS, EJUSDEM AC CHEMIAE ET COLLEGII  
PRACTICO-MEDICI PROFESSORIS ORDINARIJ, SERENIS-  
SIMI PRINCIPIS ARAUS. ET NASSAV. ARCHIATRI.

N E C N O N

*Amplissimi* SENATUS ACADEMICI *Consensu*, &  
*Nobilissimae* FACULTATIS MEDICAE *Decreto*,

PRO GRADU DOCTORATUS,


Summisque in MEDICINA Honoribus ac Privile-  
giis rite ac legitime consequendis,

*Eruditorum examini submittit*

JOANNES WATKINSON,

A N G L U S.

*Ad diem XXII. Junii MDCCCLXXIV. Hora Decima.*



LUGDUNI BATAVORUM,

APUD P. VAN DER EYK ET D. VYGH, 1774.

D<sup>r</sup> & imis — from his friend & humb. Serv

The Author

— — — si tibi vera videtur,  
Dede manus, aut, si falsa est accingere contra.

LUCRET.





DISSERTATIO PHILOSOPHICO-MEDICA  
INAUGURALIS

D E

EVAPORATIONE.

INTRODUCTION.



uanquam annales antiquitatis insigni-  
ter credulitate ac superstitione sint  
contaminati, quanquam exinde ma-  
gnum Antiquorum Philosophorum  
gloriæ detrimentum videretur redundasse; nihi-

A

lomi-

lominus non possumus non mirari, maximisque  
 plaufibus excipere vestigia ingenii, judicii, &  
 sagacitatis, evidentissima, quæ in eorum operi-  
 bus abundant. Ac quidem si limitatas mentis  
 nostræ facultates animo accuratè perpendimus,  
 & innumeros ad errorem aditus, plus fane, in  
 admirationem propter eorum excellentias, quam  
 hallucinationes, concitabimur. Indefessus eorum  
 labor in investigando, judicium accuratum in ra-  
 tiocinando, felix & conjectura in suspicando,  
 vix quidem aliquid recentioribus faciendum re-  
 liquerunt, nisi machinis novis & experimentis  
 ea perfectius confirmare, & clarius elucidare,  
 quæ jam marte suo eruerat, sed imperfecta ta-  
 men reliquit pluribus artis auxiliis destitutum  
 eorum ingenium. Si istam ad partem Philoso-  
 phiæ quæ de proprietatibus tractat aëris adverti-  
 mus, videbimus clarè asserti mei veritatem.  
 Observabimus certo certius in prima, ut sic di-  
 cam, sua progerminatione, ea, quæ summam  
 nonnullis sæculi hujus novissimi Philosophis pe-  
 pererunt gloriam.

EM-



EMPEDOCLEM aëris equidem gravitas non la-  
tuit, causam quippe respirationis pressioni attri-  
buit atmosphææ, ejus ope ajens aëra pulmones  
subintrare (*a*).

ASCLEPIADIS de hac re sententia, juxta Plu-  
tarchum, qui ejus verba refert, a judicio Em-  
pedoclis non abhorruit (*b*).

ARISTOTELES eum ponderosum esse pleno ore  
pronunciat, & confirmationis causa, experimen-  
tum enarrat, utrem nempe vi inflatum plus pon-  
deris quam vacuum habere (*c*).

SENECA hujus fluidi & gravitatem & Elastici-  
tatem pulcre calluisse videtur, quarum ultimam  
speciatim describit (*d*).

Qui

---

(*a*) Dutens Inquiry &c.

(*b*) Ibid.

(*c*) De Coelo lib. 4.

(*d*) Ex his gravitatem aëris fieri, deinde solvi impetu,  
cum quae densa steterant, ut est necesse, extenuata nituntur in  
ampliores locum. — Habeat ergo aliquam vim talem aër,  
& ideo modo spissat se, modo expandit, & purgat: alias con-  
trahit, alias diducit, ac differt. Quæst. Nat. lib. 5.

#### 4 DISSERT. PHILOSOPHICO-MEDICA

Qui fit ut corpora sibi relicta delabantur terram  
versus & quidem variis gradibus velocitatis,  
certe notum abunde fuit LUCRETIO, ait enim  
velocitates differre, pro variis mediorum resi-  
stentiis, & ulterius, corpora ponderosa & le-  
viora æqua celeritate in vacuo descendere asse-  
rit (*e*).

Inquirens in causam ascensus flammæ, exponit  
eam omnino conformiter ad placita recentiorum  
Philosophorum, inquit nempe; pressio atmosphæ-  
ræ eam sustinet urgetque sursum, ut hinc videat-  
ur vi propria quasi ascendere (*f*).

CTESIBIUS MATHEMATICUS, HERO ALEXANDRI-  
NUS, & PHILO BYZANTIUS, non modo elasticitatem  
aëris, sed ejus etiam applicationem varios ad usus  
bene cognoverunt. Horum primus inventor erat  
sclopetorum Pneumaticorum, ultimus & descri-  
ptionem hujus machinæ accuratam dedit (*g*):

Una

---

(*e*) Lib. 2. v. 225. & seq.

(*f*) Lib. 2. v. 183. & seq.

(*g*) Dutens Inquiry p. 187.



Una forsan qualitas aëris Atmosphærici ignota fuerat antiquis, eaque erit affinitas, quam habet cum aqua, quæque detecta fundamentum præbuit receptæ nunc evaporationis fluidorum theoriæ

Huic ego corroborandæ primo sequentibus operam dabo. Deinceps, de effectibus evaporationis in corpus humanum paucis agam. Tandem brevis mihi sermo erit, qua ratione in emolumentum ægrotorum evaporatio administrari posset

### *D E E V A P O R A T I O N E.*

Hypotheses varias recensere quas ingeniosi naturæ scrutatores excogitaverunt, ad explicandam evaporationis causam, supervacaneum duco; momenti propriis ponderare, limites speciminis inauguralis excederet. Primas ergo lineas illorum quæ faciunt ad confirmandam opinionem cui addictus sum, proponere sat erit.

Ex bullulis aëris quæ ex aqua supra ignem posita, vel vacuo Boyleano inclusa prorumpunt; ex

rore, qui in superficie externa ampullæ vitreæ liquore frigido impletæ aërique postmodum calido expositæ, colligitur; ex humiditate, quæ de aëre ficcissimo salis Tartari ope extrahitur; clare patet, & aquam in aëre & vicissim aëra in aqua latitare; ulterius, quum nec aqua intimè sibi admixto aëre, limpitudinem amittat, nec aër aqua onustus pelluciditate orbetur, manifesto liquet, particulas aëreas & aqueas inter se chymice conjungi, modo menstrui & solvendi. Hæcce conjunctio chymica inter aërem & aquam, basin hypotheseos Cl. LE ROI in explicatione causæ vaporum elevationis, constituit, quæ in Historia Academiæ scientiarum Regalis publicata fuit, nec non illius Cl. HAMILTONI, quæ coram Societate Regali prælecta & postea in eorum Transactionibus typis mandata fuit. Horum Auctorum posterior nullam inficias eundi rationem reliquit, quin evaporatio aquæ ejus solutio sit gradatim in aëre facta, porro quod, saturitatis gradus variat, secundum caliditatem, & densitatem, firigidita-



tatem, & raritatem aëris. Hinc cœli siccitas, humiditas, nubium & pluviae formatio.

Hæc est rudior delineatio Theoriæ, quæ, nisi vehementer fallor, simplicior est, difficultatibus paucioribus premitur, Phænomeni & evaporationis rationem, meo quidem judicio, melius reddit, quam ulla alia hucusque nobis nota.

Supereft modo, ut diluam præcipuas objectiones, contra Theoriam hanc allatas.

### OBJECTIONES EARUMQUE SOLUTIONES.

Primum argumentum alicujus momenti, quod mihi occurrit, verbis Cl. DE LUC recensebo.

*J'ai vu, inquit, très souvent du sommet des Montagnes, au lever du soleil en jettant les yeux sur la plaine, qu'il sortoit des vapeurs visibles des Lacs, des Fleuves, & des Marais, & que ces vapeurs s'élevoient peu à peu, quelquefois verticalement, d'autresfois & le plus souvent en suivant des lignes différemment inclinées, selon la direction des courants de l'air. Ce Phenomène prouve d'abord, que*  
l'air

*l'air ne dissout pas l'eau à la façon des Menstrues ; car si cela étoit , ces vapeurs ne sortiroient pas de l'eau au moment où l'air est le moins échauffé , c'est-à-dire lorsqu'il doit avoir une moindre vertu dissolvante. Et en supposant même que les vapeurs peuvent s'élever par cette cause ; l'air devroit les dissoudre entièrement : puisqu'il les environne de toutes parts, & qu'elles lui présentent une infinité des surfaces. Or ces vapeurs sortent de l'eau & s'élèvent dans l'air , sans perdre de leur volume. Ainsi la dissolution proprement dite , n'est point la cause de l'ascension des vapeurs ( b ).*

Primo obtutu , hocce Phænomenon fortiter contra nostram Theoriam militare videtur , potest tamen cum ea facile reconciliari. Veram ejus rationem hanc esse censeo. Quoniam aquæ quantitas quam aër in statu solutionis sustinere potest , cæteris paribus , ejus calori proportionatur ;

---

( b ) Recherches sur les modifications de l'Atmosphère. vol. 2. p. 186.



tur; & quoniam aër calidior est interdiu quam noctu, sequitur, ut dum vesperi atmosphæra sensim sensimque frigidior fiat, pari passu aqua, solutis amplexibus, præcipitem se det. Cum autem hæc refrigeratio primum fit in eis stratis quæ Lacuum, Fluminum, & stagnorum superficiem immediatè lambunt, hic quoque incipiet præcipitatio vaporum specie se sistens, eadem cum gradatim ad magis magisque sublimiora procedat strata, mentitur verum ascensum aquæ in vapores resolutæ. Vapores hoc modo noctu formatæ, adventante sole, similes fumis crassis in altum se porrigentibus, sæpe videntur, hujusque apparitionis fallaciam augment, motibus variis à fluctuante atmosphæra huc illuc agitata; in hoc statu, licet aëre sint circumfusæ, & superficierum infinitatem præbeant, dissolvi non possunt; proportionaliter vero, ut matutino sole, calefit aër, prioremque recuperat virtutem, chymicè illis sese jungit.

Aliud Phænomenon haud absimile a priori, sed diversa ortum causa, horis matutinis æstivo tempore interdum observatur.

B

Quan-

Quando ros nocturno tempore delapsus, & aqua folia arborum, plantarum, &c. minimis guttulis obfidens, radiis Phœbi redeuntibus, calefacta rarefiunt, particulæ eorum, vim repulsionis acquirunt, & forma vaporis sursum evehuntur, intactæ suspenduntur, opacantque aëra; brevi post dissolvuntur aërque pristinam recuperat diaphaneitatem. Hinc ut observavit CL. HAMILTONUS, cœlum nebulosum, sub calidiori æstiva aëris temperie circa ortum solis sæpissime suboritur. (i)

Sive igitur Phænomenon nostro auctore descriptum suam originem duxerit, ex aquearum particularum præcipitatione ope frigoris excitata, sive, ascensione illarum ob repulsionem calore auctam, nihil exinde contra Theoriam quam corroborare constitui, concludi potest.

Secundum argumentum quo nostra de evaporatione sententia oppugnatur, est, quod ea scilicet in vacuo locum habeat. Nobilis simulque Cel. in

Sco-

---

(i) Philosophical Essays on the ascent of Vapours &c. &c. pag. 33. Edit. 3.



Scotia Judex KAIMES in commentario quem societati Philosophicæ Edenburgi communicavit & postea in eorum Tentaminibus edidit, aquæ evaporationem ad duas referens causas, nempe ejus in aëre solutionem, nec non mutuam repulsionem ejusdem particularum accedente calore, priorem amplexus (*k*), hacce objectione valde præpeditus fuisse videtur. *Niether of these causes, ait, will account for the evaporation of water in vacuo. Ele-  
live*

(*k*) Calorem plures habuere pro præcipua si non sola & unica evaporationis causa. Hic, scilicet, excitat vim repulsi-  
vam in particulis aqueis quæ dimovet eas a se invicem ur-  
getque superiora versus sub forma vaporis. Vapores hoc mo-  
do subinde elevari, non negabimus, sed solam vel præcipuam  
evaporationis causam ei tribuere nullatenus assentire possum.

I<sup>o</sup>. Quia aqua sic vi caloris certo loco oborti in vaporem  
rarefacta, prout magis magisque removebitur necessario re-  
frigescet, particulæ ejus ad se accedent donec collectæ ac in  
guttulas densatæ relabentur unde ascenderunt, nisi alia qua-  
dam potentia sustinerentur.

II<sup>o</sup>. Quia non solum sæpissime evaporatio obtinet ubi nullus  
omnino calor adest, adeoque & effectus ejus locum habere  
non possunt, sed & ubi in glaciem aqua frigore cogitur, va-  
pores emittere experimentis constitit Boylei, Perraulti, &c.

*Elective attraction will not answer when there is no incumbent air to attract the water. Nor will mutual repulsion answer, because in evaporation in vacuo there is not supposed to be any extraordinary heat. The best way to account for this supposed evaporation, at least the easiest is to deny the fact, which may be done bona fide, for I have not heard of any experiment that verifies it. I Shall venture only a single hint, that an Elective attraction between glass and water supposing the fact to be ascertained will fairly account for the Phænomenon.*

Non possum tamen non mirari Cel. virum sic bona fide sibi persuasisse, evaporationem quæ revera in vacuo contingit, in dubium revocari debere. Jam enimvero publici juris facta erant Hamiltoni Tentamina, in quibus variis experimentis ea fatis superque evicta fuit.

Nec minus id mihi peculiare videtur, Cel. auctorem etsi admitteret evaporationem fieri in vacuo, eam tamen explicare velle ex principio, quod falsissimum esse, nemo in Chymia versatus non novit. *It is well known, aiunt Auctores scri-*  
pti.



pti periodici, cui titulus est *Monthly Review*, that the attraction by which solution is performed can only take place in consequence of the solvend and menstruum coming into contact; and it is certain that, there can be no chemical attraction betwixt the glass receiver and the water under it.

Nihil amplius necessarium mihi videtur ad refellendam hanc objectionem quam ostendere, id quod consilium meum est, evaporationem ab alia prorsus causa in vacuo pendere, ac quæ quidem eandem in aëre aperto, saltem communiter, proritat.

Fluidorum jacturam quam patiuntur libero exposita aëri, haberi ad eam quam in vacuo experiuntur, ut 8 ad 1, ad illam vero quæ contingit ubi in campana vitrea aëre plena includuntur, esse ut 48 ad 1. ex experimentis Cel. HAMILTONI manifesto apparet. Qua igitur ratione hi tam varii inter se effectus intelligi possent, si sub triplici illo fluidorum statu eadem causa operaretur? Magis credibile est, evaporationem in vacuo oriri ex causa, quæ ut jam innui, sub dio

nunquam nisi certa obtinente aëris temperie,  
 vim suam in excitanda ea exerit. Sed ponamus  
 hancce causam sub dio pariter valere, necessario  
 tamen ad aliam potentiam confugiendum est,  
 cui septem partes quantitatis amissæ imputari  
 possent. Cel. HAMILTONUS qui hasce evapora-  
 tiones ad causas diversas refert, illam, quæ lo-  
 cum habet in vacuo repulsionem esse putat, ex  
 hacque censet effluvia perpetuo oriri in omnibus  
 fluidis, si viscida modo exceperis, quæ plus ca-  
 loris, quam quantum requiritur ad ea in statu  
 fluiditatis conservanda, habent: augeri præterea  
 effluvia tanto magis quanto plus decrescit pres-  
 sio atmosphæræ. Sed nulla posse dari in corpo-  
 ribus, quibus vel haud ultra requisitum ad susti-  
 nendum fluiditatis gradum, vel nec quidem hunc  
 adæquans caloris copia inest; cujusmodi sunt  
 glacies, & aqua cui ea injecta fuerit, quæ ut  
 Cel. Auctor experimentis invenit, nullam in va-  
 cuo diminitionem patiuntur.

Explicatio hæcce satis ingeniosa est forsitan  
 & vera; tamen non possum, quin suspicer, eva-



porationem in vacuo non ex sola repulsione, calore producta, quæque porportionaliter auge-  
tur, ut Atmosphæræ diminuitur pressio, pen-  
dere; sed aliqua ex parte, si non pro maxima,  
a vi Electrica promoveri. — In corporibus  
subtilissimo hoc fluido circumfufis exhalationes  
augeri experimentis Cl. NOLLET fatis superque  
manifestum est. — Liquores varii, herbæ re-  
centes, spongia madefacta, &c. pro experimen-  
tis adhibita, constanter plus ponderis amitte-  
bant, quam in statu naturali (1).

Cum

---

(1) Recherches sur l'Electricité pag. 324 - 325 - 326 & 334.  
Ex ilsdem experimentis colligi potest, evaporationem in om-  
ni telluris parte quæ positive electrifatur rursusque pristinum  
æquilibrium recuperat, avolatione electrici fluidi, auctum  
iri. — Sed electricitatem solam evaporationis causam esse ut  
Ingen. Eeles videbatur, (Philosophical essays) exinde conclu-  
dere minime arbitror. Si enim semper & ubique de tellure no-  
stra non interrupta prodirent effluvia electrica aqueis molecu-  
lis onusta, non video qua ratione siccitas pelluciditasque aëris  
explicari posset, nisi supponeres aërem Chymice misceri cum  
introsuscepta aqua; tali enim tantummodo modo solvenda dis-  
parere solent in suis menstruis.

Cum igitur extra omne dubium sit acceleratam hanc evaporationem effluviis electricis tribuendam esse, superest modo, ut evincam eandem obtineri posse in vacuo.

Omnia corpora ita sunt constituta, ut vel facile admittant, aliisque communicent fluidum electricum, vel omnem ipsi aditum denegent; priora symperielectricorum, reliqua idioelectricorum nomine ut notum, insiguntur.

Corpora electricitate perfusa diutissime eam solent conservare, quamdiu atmosphæra insignem habebit gradum siccitatis, recte igitur aer idioelectricis annumeratur. Eadem in vacuo subito omnem quæ superpondium constituerat amittunt (*m*). — Vacuum igitur vice symperielectricorum perfungitur. Præter exempla vacui  
sym-

---

(*m*) It appears that Conductors would readily suffer the fluid to run in and out of them were it not for the air which surrounds them: for if the end of a Conductor is inserted into a Vacuum the fluid runs in and out with perfect readiness. — Cavendish in the Philos. Transact.



fymperielectricorum virtutem exercentis , experimentis WATSONI (*n*) , CANTONI , WILSONI & SMEATONI suppeditata , ubique Cl. viri de electrica luce agentes abunde quæ insinuari volumus , probant , aliud præbet Aurora Borealis , si hoc Phænomenon nascatur , ut probabile est & universim fere pro persuaso habetur , ex fluido electrico , Atmosphæræ partem raritate sua ad vacuum quasi accedentem , permeante.

Licet ergo concludere , effluvia electrica de corpore facilius copiosiusque procedere , prout aër rarior & rarior evadit , ac ideo evaporationem corporis talis , quantum ea ab electricitate pendet , in vacuo

---

(*n*) Dr. Watson had recourse to an excellent invention of Lord Charles Cavendish who by means of a long bent tube of glass filled with Mercury, and inverted, made all the bended part of it, (which was above the Mercury) the most perfect vacuum that can be made by man. This vacuum Dr. Watson insulated, and one of the Basons of Mercury being made to communicate with the Conductor, when some non Electric substance touched the other, the Electric matter pervaded the Vacuum in a continued arch of Lambent flame.

Priestley's Hist. of Electricity.

C

quo majorem fieri quam in pleno, necessario debere.

At alia difficultas eaque maximi momenti superest, ostendendum scilicet est, corpora non majore electricitatis quantitate prædita, quam quantum iis naturaliter adjudicatum est, posse tamen aliquam ejus partem in vacuo amittere. Rem ita se habere, quamvis non demonstravero, conabor tamen quam maxime fieri poterit probabilem reddere.

Neminem latet, attractionem augeri vel minui pro majore minoreque atmosphæræ densitate. Videtur vero quo subtilius est fluidum, eo minorem requiri rarefactionem Atmosphæræ, ut particularum ejus vis repulsiva vim attractionis superet, sub eadem igitur Atmosphæræ densitate, attractio inter particulas spiritus ætherei minor erit, quam ea, quæ inter particulas Alcoholis obtinet, & inter particulas alcoholis minor itidem, quam inter particulas aquæ. Ideoque si electricum fluidum eidem subjicitur legi, quod facile me judice, concedendum est, si majus illud occupa-

pa-



pare spatium in rara, quam in densa atmosphæra, ut observatur, in propatulo est, quam primum corpus in aëre summopere rarefacto collocabitur, partem ejus naturalis electricitatis, ob auctas inter ejus particulas vires repultrices, avolare debere.

Confirmat sententiam hanc optime, Phænomenon cujus mentionem facit Cl. Boyleus in suis Physico-mechanicis experimentis.

Mirabatur Cl. vir illud semper comitatum fuisse transeuntem ex antlia pneumatica aërem in exhaustum cylindrum. *Having caused the air inquit, to be pumped out of the receiver, and whilst I was busied in entertaining a learned friend, that just then came to visit me, an ingenious bystander thought he perceived some new kind of light in the receiver, of which giving me hastily notice, my friend and I presently observed, that when the sucker was drawn down, immediately upon the turning of the key, there appeared a kind of light in the Receiver, almost like a faint flash of Lightning in the day time, and almost as suddenly did it appear and vanish. — Et*

*alio loco, we noted, ait, that the flash appeared immediately upon the turning of the key to let the air out of Receiver into the emptied Cylinder, insomuch that I remember not, that when at any time in our great Receiver the Stopcock was opened before the Cylinder was exhausted (whereby it came to pass, that the air did rather descend than rush into the Cylinder) the often mentioned flash appeared to our Eyes.*

Hæc lux profecto electrica erat, cujus excitatio debebatur, juxta principium quod huc usque stabilire conatus sum, quodque intellecta probe natura ejus Phænomeni, parum abest quin pro vere demonstrato haberi possit.

Quando sphærulæ vitreæ tenuissimæ, aëre exhaustæ, in loco tenebricoso confringuntur, protinus suffulgere observavit Cl. BECCARIA, lucemque hanc, vir Cl., tribuit collisioni aëris ad parietes internos vitri, sed me sentiente, eadem ratione id accidisse ac superius de cylindro Boylei diximus, verosimillimum est.

Eodem principio explicanda venit sæpe apud Philosophos iterata observatio, nonnullos nempe

Mer-



Mercurii globulos in vetustis Barometris summ-  
tati tuborum aliquando adhærere, evaporationi  
puto hujus metalli in vacuo factæ, ideoque flui-  
di electrici avolationi tribuendum id est; nemini  
quoque ignotum, est quam facile excitatis per  
agitationem Barometrorum effluviis electricis  
mercurii inclusi vacuum tubi luce perfundatur.

Nec obstat quod Cel. NOLLETUS nullam potu-  
erit evaporationem mercurii producere, electri-  
citatís ope, quandoquidem Phænomenon hoc  
observatum tantum fuerit in Barometris a longo  
tempore asservatis.

Non sola autem similitudo ea est, quam flui-  
dum Electricum habet cum aliis ratione effectuum  
plus minusve densæ atmosphæræ. Quoniam,  
docent observationes, quod calor qui aliorum  
corporum repulsionem auget, auget quoque ean-  
dem vim inter particulas Electrici fluidi. —  
Turmalinum & sphærulæ vitreæ Cl. CANTONI (o)  
esse

---

(o.) Priestleys Hist. of Electricity.

esse possunt pro exemplis corporum talium, materiam electricam calefactione sola emittentium: Nec minus ignotum est corpus idioelectricum in symperielectricum calore tantum converti posse. Atque inde forsitan, & ipse ingeniose conjicit CANTONUS, explicari debent, vividissimi illi ignes Auroræ Borealis qui in septentrionalibus regionibus, postquam subita regelatio severum exceperit frigus, non semel observati sunt. — Præterea, ex effectibus caloris in fluidum electricum facile deduci potest, quid in illud valeat frigus, indeque ratio facti a Cl. HAMILTONO memorati, quod, scilicet, in vacuo glacies non evaporet, satis apte redditur.

Ex supra dictis patet, quod si aqua, nisi gelidissima sit, sub Antliæ pneumaticæ recipiente collocetur, electricarum particularum ab invicem repulsio intenditur prout aër exhauritur, donec tandem ex aquæ superficie emergentes, & aquea quasi crusta involutæ eas secum abripiant, atque istam ponderis diminutionem, quam in vacuo aqua pati observata fuit, aliqua

ex-



ex parte, si non potissimum, producant.

*DE EFFECTIBUS EVAPORATIONIS  
IN CORPUS HUMANUM.*

Quanquam a priscis jam temporibus usu venire solebat, liquores, obvolvendo vasa eos continentia, linteis madefactis, refrigerare.

Etiam si hodie dum moris est inter nautas, ubi difficulter, percipi potest aëra placidissime perflantis venti directio, digitum madefactum attollere, quaque parte frigus sentitur, eam oppositam illi esse, concludere; non apparet tamen a quopiam ante Clar. CULLENUM, observatum fuisse, frigus originem suam evaporationi debere. Constat ex experimentis ingeniosi illius Philosophi & medici solertissimi, quod frigus evaporatione natum proportionale sit, ad fluidorum volatilitatem, quantitatemque aëris applicati (p).

Experimenta hæc ulterius repetita fuere cum iisdem eventibus a Cel BAUME' aliisque.

Ef-

Effectus igitur frigoris in corpus humanum ab evaporatione repeti debent; & si vere dixit SYDENHAMUS plures frigore perire, quam Peste, Gladio, atque Fame simul omnibus, res non parvi est momenti determinare quæ demum evaporationis noxium humano corpori frigus producere valeat.

Humida corporibus applicata statim pro parte evaporant frigusque excitant, cum igitur corpora humana frequentissime sub perspiratione aucta, aliisque conditionibus status sui, vel pluvia perluuntur, vel aliter humidæ exponuntur Atmosphærae valde probabile est, morbos, qui ex frigore suscepto oriuntur, producto illo potissimum per modum evaporationis, acquiri debere. — Attamen cum omnis humiditatis species non æque frigoris productioni faveat, neque semper, idem frigoris gradus, propter circumstantias quasdam cum eo connexas, æque validus sit, corpusque prout varie dispositum, varie eo afficiatur; sequitur evaporationem interdum nullum inferre damnum, interdum leves, interdum violentissimos effectus, producere posse. —

Cau-



Causas hujus varietatis præcipuas perspicuitatis gratia, duo in genera dividam, sunt, scilicet, quæ ex statu aëris & fluidi evaporantis pendent; sunt & aliæ, quas status corporis humani suppetat: utrasque brevi percurram.

Aqua in qua salia media soluta sunt minus volatilis est quam aqua pura, tardius igitur, quam illa, evaporabit, & frigus exinde natum minus erit. Hinc ratio facti apud nautas bene noti, nempe, quod minus periculofum sit, aqua marina, quam aqua fontana madefieri. — Sed etiam si frigus natum fuerit in quopiam corpore per evaporationem, erit cæteris paribus in ratione ejus volatilitatis. Certum est quemadmodum notavit Cel. FORDYCE quod si unum, ex duobus fluidis pariter volatilibus, oleum essentielle, vel aliam quamcunque substantiam stimulantem, contineat, ejus applicatio minus periculosa est, quam alterius, quoniam frigoris effectus tollit vis stimulans. (q)

Notan-

---

(q) Elements of the Practice of Physic.

Notandum etiam quod, aquæ quantitas quam aër in solutionis statu retinere potest, ex ejus densitate & calore pendet, inde fit, ut, aër, aqua refertus excelsos montes emetiens, quo frigidior rariorque redditur, eo plus aquae dimittat, continuisque eos inundet pluviis. Talis aër appellens in regiones depressores calidior densiorque & consequenter aptissimus evadit ad dissolvendum perspirabile vel quamvis aliam humiditatem, superficie corporum quæ circumfluit, hinc & generationem frigoris.

Hinc qui Rheumatismo quondam per longum tempus laboraverunt, dolorum renovationem sentiunt, flante Euro, quinimo, si de cubiculis exire caveant, ab hac vi ejus tamen, tutos se sistere non possunt. Sed de his satis.

Corpus nostrum præcipue idoneum fit morbosæ impressionibus fuscipiendis, quando vis vitæ aut minor, aut justo irritabilior est, languet humorum circuitus, quando denique stimulus corpori applicatus fuit, & jam agere desit.

Cavendum itaque ne locum obtineat evaporatio  
vel



vel in corpore vel vestimentis, quando exercitatione calefactum frigescere incipit corpus, cum vires ejus morbo quodam fractæ sint, & ubi animus metu, mærore, anxietate opprimitur, nec non, ubi fessa Veneris, Bacchique deliciis membra nimius tenuerit languor.

Ex dictis haud arduum erit, facti, cujus Cl. HEBBERDENUS mentionem fecit (r), rationem reddere, idemque ei sententiæ quam hucusque tuitus sum, reconciliare. Factum quod innui hoc est, observavit scilicet Cl. auctor, homines sæpe humidorum lecti linteaminum usum impune ferre, putatque inde concludi debere; humiditatem corpori applicatam, tam periculosam non esse, quam communiter existimatum fuit.

Notavi jam superius evaporationem, cæteris paribus, proportionatam esse quantitati aëris applicati, cum vero nonnisi exigua copia, corpore stragulis bene contecto, admittatur, evaporatio debe-

---

(r) Medical Transactions.

debebit tarde admodum insequi, & si vis vitalis valida erit, calor corpore generatus facile vincet frigus ea productum. Dum enim semper fere adhibentur stragula de pannis laneis laxi contextus facta, hæc vero diu satis calorem conservare possunt, accidit ut aqua, qua madent in vapores quidem resolvatur, sed ægre refrigerandos. In hoc statu corpus ad instar balnei vapore calido circumfufum, mala, quæ evaporatione oriuntur, facili negotio eludet. Sed è contrario quando vis vitalis debilis est, parvusque calor corpore generatur, frigus evaporatione productum vinci non potest: Pariter cum quantitas aëris magna admittitur, effectus noxii, quos evaporationi attribuimus, vix non semper se manifestabunt.

*DE ADMINISTRANDA EVAPORATIONE  
IN USUM ÆGROTORUM.*

Medium universale ex quo frigus & calor corpori admoventur, Aër est. Fluidum Aëreum duobus modis, excessu, vel defectu caloris peccare



care potest. Aëre valde calido, respiratio frequentior, & pulsus celerior redduntur. Vis vitalis debilitatur, & humores ad statum septicum vergunt. In propatulo est itaque, aërem fervidum in febribus, præcipue indolis putridae, posse gravissima mala producere. In variolis, tanquam tali morbo in quo pustularum numerus, ex quantitate humorum fermentatione variolosa mutatorum, pendere videtur, aër calidus qui fermentationes omnes auget, perniciosus est. Innumeræ observationes quæ testantur id non modo, sed & quod frigidus aër numerum earum imminuet, passim, apud auctores invenire est.

His & in aliis morbis calore aggravatis, si aër satis frigidus, apertis fenestris ac januis, obtineri non potest, arte eum refrigerare negligendum non est. Jam vero evaporatio eo fine adhibita, forsan omnibus quæ excogitata sunt palmam præripit. Eo consilio, aqua, vel pura, vel oleis essentialibus odoratis nonnullarum plantarum, impragnata, cujusmodi sunt Lavendula,

Rosmarinus, &c. (s) vel aceto, Camphora, & aliis antisepticis, pro re nata, commista, parietes ac pavementum cubiculi perfundi possunt; (t) Aut quemadmodum suadet GALENUS, de vase in vas transfundere maxime e re erit. (u)

Eandem utilitatem præstabunt plantæ recentes, Arborum ramuli per cubiculum dispersi, vel eadem plantæ, in aqua, aut terra crescentes collocatæ usui esse confirmant sequentia Cl. *Van Swietenii*. — Demonstravit accuratissimis experimentis Cel. *Hales* (v) plantas incredibilem aquæ copiam absorbere & exspirare iterum, optimum ergo erit, hoc artificio, aquam per aërem dispergere: dum v. g. abscissi falicis rami arenæ madidæ immergantur. Sunt præterea plantæ nonnullæ, quæ una cum aqua exhalant amabilem fragrantiam, una cum grato refrigerio: florentis sambuci arboris rami  
huic

---

(s) Fordyce's Elements.

(t) Lommius de curand feb. p. 91. Fernel. Tom. 2. p. 52.

(u) Method. Med. lib. X.

(v) Veg. Stat. cap. 1.



huic ufui pulcherrime conducunt: verum non omni æftatis tempore florent. Plures tamen aliæ plantæ his fubftitui poffunt, uti v. g. oxycanthæ, ulmaria, rofæ &c. quæ fimili fragrantia pollent. Sic non tantum aëris nimius calor temperatur, fed & dum talis aër humidus & frigidifculus redditus, inspiratur, & fuperficiem corporis omnem alluit undique, ficcitas a nimio calore facta tollitur (w).

Alia forte præterea eaque nobilior, a plantis dicto modo in cubiculo ægroti conftitutis, utilitas emerget, dum PRIESTLEY indubiis Experimentis oftendit, aërem noxiis exhalationibus imprægnatum, vitæque animalium maxime inimicum redditum, vegetantibus in illo ftirpibus omnem penitus deponere malignitatem.

Quandocunque atmosphæræ calor & morbi indoles, evaporationis utilitatem indicant, non eft cur folliciti fimus ne catarrhi &c. ex frigore fufcepto

---

(w) Comment. vol. 2.

cepto nascantur, cum quemadmodum observavit Cl. GREGORIUS nunquam mihi sine veneratione summaque observantia memorandus, febris decumbentes, noxios frigoris effectus haud facile experiri. Cautela unica quæ requiri videtur respectu administrationis hujus auxilii est, quod refrigeratio usque ad perceptionem injucundam continuari non debet. Criterion forsan optimum ex quo judicium de requisito frigoris gradu ferri licet, quodque tuto adhiberi potest, est sensatio ægri. Nil obstat quin dicam in universum, regulam hancce generalem dari posse, frigus, quamdiu jucundum, salutare esse.

T A N T U M.

THESES.



# T H E S E S.

## I.

*Frigus vi sedativa & Tonica gaudet.*

## I I.

*Est in corpore humano facultas caloris frigorisque generandi.*

## I I I.

*Digestio est fermentatio sui generis.*

## I V.

*Tota concatenatio causarum febrem producentium incipit a debilitate.*

## V.

*Proxima cujuscunque febris causa non debet tribui immutationi humorum.*

